

28



叙

河南高叔嗣撰

二張九齡韶州人字子壽謚文獻有曲江集  
說雒陽人字道濟謚文貞有燕公集馬氏經  
籍通攷載之自文章道熄脩文之士薈粹篇  
題畧采名作習所目見不復知有諸家集余  
曩歲得曲江集京師蓋丘文莊公錄自閣本  
刊傳之求燕公集亡有也後再至都始獲寫  
本友人大理評事應君子陽有宋刻然不完  
二集缺謬亡復可攷二公俱唐相事玄宗遭

李林甫文獻出爲荊州文貞出爲岳州叙曰  
夫詩之作豈不緣情哉余讀二公詩方其登  
台衡執鼎鉉抽筆蘭室雍容應制詞何澤也  
及臨荆南履岳牧懷人寄言託物寫心又何  
悽也夫士抱器丁年曷嘗不欲感會雲龍道  
佐明王建不朽之業垂非常之譽庠而時謬  
不然遠跡江海之濞放意魚鳥之區事與願  
違心以跡孤况逢按劍之怒方同竊鈇之疑  
知讒不免欲語從誰是以憂來無端感宣于  
詩爾嘗觀文獻在荆詩云一跌不自保萬全  
焉可尋又云衆口金可鑠孤心絲共焚文貞  
在岳詩云誰念三千里江潭一老翁又云平  
生歌舞席誰憶不歸人詞旨悲涼令人太息  
然文貞特牽歸思而文獻良多懼心豈其遭  
傾奪之餘尚險仄未平耶今集中載林甫秋  
夜一篇公酬答甚遜得于周易避咎之道焉  
彼讒人者竟泯漸何在而公名德爛然存于  
終古嗚呼哲哉叔嗣游郎署時覽公詩未覺  
沉痛既涉江漢三復焉乃知意所繇興復以  
嘗踐茲地也因合刻之置廣視堂齋中堂據

江夏山首下瞰江漢前使君葉縣衛正夫修  
築嘉靖丁酉夏四月朔

叙

張曲江集

卷一

賦

白羽扇賦 并序

荔枝賦 并序

四言

奉和聖製燭龍齋祭 奉和聖製喜雨

南郊文武出入舒和之樂

五言

南郊太尉酌獻武舞作凱和之樂

巫山高 折楊柳 賦得自居之出矣

奉和聖製幸晉陽宮 奉和聖製次成皋

先聖禽建德之所 奉和聖製過王濟墓

奉和聖製賜諸州刺史以題座右 奉和

聖製送十道採訪使及朝集使 奉和聖

製謁玄元皇帝廟齋 和黃門盧監望秦

始皇陵 和吏部李侍郎見示秋夜望月

憶諸侍郎之什李詩附和蘇侍郎小園夕霽寄

諸弟 贈澧陽常明府 酬周判官 登

南嶽事畢謁司馬道士 登樂遊春望

登襄陽恨硯山 九月九日登龍山 登

郡城南樓 歲初巡屬縣登高安南樓

登樓望西山 登荊州城樓 登荊州城

望江 秋晚登樓望南江入始興郡路

登古陽雲臺 賀給事嘗詣蔡起居郊館

有詩因命同作 與生公尋幽居處 與

生公遊石窟山 郡舍南有園 臨泛東

湖 始興南山下有林泉常卜居焉荊州

卧病有懷 高齋閑望 晨出郡舍林下

和晨坐齋中偶而成詠 林亭寓言 南

山下舊居閑放 感遇首二當塗界寄裴宣

州和別鄉人南還 初發江陵有感 南

陽道中作 使還湘水 湘中作 彭蠡

湖上 經江寧覽舊跡至玄武 入廬山

仰望瀑布 出為豫章郡途次廬山東巖

下 巡屬縣道中作 夏日奉使南海在

道中作 奉使自藍田玉山南行 巡按

自灤水南行 使還都湘東作 詠史

龍門旬宴得月字 驪山下道遙公舊居

遊集 祠紫蓋山經玉泉山寺 樊妃塚

戲題春意 同綦母學士月夜聞雁

荊州作首二 在郡秋懷首 忝官二十年盡

在內職及為郎嘗積戀因賦詩 二弟宰

邑南海見群雁南飛因成詠以寄 將發

還鄉示諸弟 叙懷首雜詩首五 題畫山

水障

卷二

五言排律

奉和聖製南郊禮畢酺晏 奉和早渡蒲

津關 奉和南出雀鼠谷 奉和經河上

公廟 奉和送尚書燕國公赴朔方 奉

和途經華山 奉和早登太行山率爾言

志 奉和登封禮畢洛城酺宴 奉和吏

部崔尚書雨後大明朝堂望南山 和崔

尚書喜雨 和許給事中直夜 和裴侍

中 和姚令公哭李尚書 酬宋使君 詩宋

附 酬通事舍人寓直見示 與袁補闕尋

蔡拾遺會此公出行後蔡有五韻詩見贈

以此篇答 酬趙二侍御 酬宋使君

武司功初有幽庭春暄見貽夏首獲見以

詩報 酬王履震 石頭驛樓 登臨沮

樓 登薛公逍遙臺 同裴公田公賦詩

與弟遊家園 郡內閒齋 城南隅山

池 餞王尚書出邊 送趙都護赴安西。

江上遇風 西江夜行 南還湘水言懷

商洛山行懷古 南還以詩代書贈京

師舊寮 贈王司馬兼寄諸公 自始興

溪夜赴上赴嶺 玉泉山寺 獨處見群

鶴

五言律詩

奉和聖製經孔子舊居 奉和次瓊嶽韻

奉和送李尚書入蜀 奉和初出洛城

賦芍藥 和崔黃門寓直夜聽蟬 和王

司馬折梅 和盧侍御詠竹 和韋尚書

答梓州兄南亭宴集 答陳拾遺贈竹簪

答綦母學士 酬王六霽後書懷見示

酬王六寒朝見詒 三月三日登龍山

晚霽登王六東閣 林亭詠 秋蘭二韻

行寄王震 送使廣州 送姚評事入蜀

賦得卜肆 送竇校書 餞王司馬 東

湖臨泛 餞梁明府 餞陳學士 通化

門外送別 送楊道士 送李功曹 送

趙少府 送李少府 送蘓主簿 送周

判官 別孫侍御附詩 自豫章南還江上

作 道逢北使題贈京邑親知 江上使

風呈趙宣州附詩 將至岳陽有懷趙二

初發道中寄遠 自湘水南行 初入湘

中有喜 耒陽溪夜行 江上 自彭蠡

湖初入江 赴使瀧峽 湖口望廬山瀑

布 湏陽峽 使至廣州 春江晚景

廣州津亭晚望 初發曲江谿中 旅宿

淮陽亭口號 望月懷遠 秋夕望月

詠鷺 勅賜寧王池宴 天津橋東旬宴

上陽水窗旬宴 荆谷山集會 三月

三日申王園亭宴集 立春日晨起對積

雪 庭梅咏 剪綵 聽箏 初秋憶金

均兩弟 秋懷 李尚書挽歌首三 蘓公

挽歌首三 蘓氏挽歌首三 康司馬挽歌

七言律詩

奉和聖製早發三鄉山行 奉和聖製龍



池篇

五言絕句

奉和聖製經函谷關作 奉和渡潼關

荅新博士 照鏡見白髮

雜言

奉和聖製瑞雪篇 奉和溫泉歌

補遺

奉和聖製途次陝州 讀書巖中寄沈郎

中沈詩登總持寺閣 晚憇王少府東閣

祈雨輒應 荅王維王詩 荅陸澧

附詩

初發荆府贈長史 宋之問

獻始興公 王維

荆門上張丞相 孟浩然

陪張丞相祠紫蓋山途經王 孟浩然

陪張丞相自松滋江東泊 孟浩然

和張丞相春朝對雪 孟浩然

臨洞庭湖有懷張丞相 孟浩然

讀金鑑錄有感 蘇軾

張曲江集卷一

賦

白羽扇賦并序

開元二十四年夏盛暑奉勅使大將軍高力士  
賜宰臣白羽扇某與焉竊有所感立獻賦曰

當時而用在物所長彼鴻鵠之弱羽出江湖之  
下方安知煩暑可致清涼豈無純素采畫文章  
復有脩竹剖析毫芒提携密邇搖動馨香惟衆  
珍之在御何短翮之敢當而竊思於聖后且見  
持於未央伊昔臯澤之時亦有雲霄之志苟效  
用之得所雖殺身之何忌肅肅白羽穆如微風

縱秋氣之移奪終感恩於篋中

附御批答

朕頃賜扇聊以滌暑卿立賦之具見情素詞高理妙朕詳之久矣然在彼勁翮方資利用與夫棄捐篋笥義不當也

荔枝賦并序

南海郡出荔枝焉每至季夏其實乃熟狀甚瓌詭味特甘滋百果之中無一可比余往在西掖嘗盛稱之諸公莫之知而固未之信唯舍人彭城劉侯弱年遷累經于南海一聞斯談倍復喜歎以爲甘旨之極也又謂龍眼凡果而與

荔枝齊名魏文帝方引蒲桃及龍眼相比是時二方不通傳聞之大謬也命相顧閑議欲爲賦述而世務卒卒此志莫就及理郡暇日追敘往心夫物以不知而輕味以無比而疑遠不可驗終然未屈况士有未效之用而身在無譽之間苟無深知與彼亦何以異也因道揚其實遂作此賦

果之美者厥有荔枝雖受氣於震方實稟精於火離乃作酸於此裔爰負陽以從宜蒙休和之所播涉寒暑而匪虧下合園以擢本傍蔭畝而抱規紫紋紺理黛葉紺枝蒼鬱而靈靈環合而

焚纒如蓋之張如帷之垂。雲煙沃若孔翠于斯。靈根所盤不高不卑。陋下澤之沮洳。懸層崖之嶮巖。彼前志之或妄。何側生之見斑。爾其勾芒在辰。飄風入律。肇允含滋。芬敷謐溢。綠穗靡靡。青英苾苾。不豐其華。但甘其實。如有意乎敦本。故微文而妙質。華葯房而擗萃。皮龍鱗以駢櫛。膚玉英而含津。色江萍以吐日。朱苞剖。明璫出。罔然數寸。猶不可匹。未玉齒而殆銷。雖瓊漿而可軼。彼衆味之有五。此甘滋之不一。伊醇淑之無準。非精言之能悉。聞者歡而竦企。見者訝而驚乞。心志可以蠲忿。口爽可以忘疾。且欲神於

醴露。何比數之湘橘。援蒲桃之見擬。亦古人之深疾。若乃華軒洞開。嘉賓四會。時當燠煜。客或煩憤。而斯果在焉。莫不心侈而體怵。信雕盤之仙液。實玳筵之綺績。有終食於累百。愈益氣而治內。故無厭於所甘。雖不貪而必愛。沉美李而莫取。浮甘瓜而自退。豈一座之所榮。冠四時之爲最。夫其貴可以薦宗廟。其珍可以蓋王公。亭十里而莫致。門九重兮曷通。山五嶠兮白雲。江千里兮青楓。何斯美之獨遠。嗟爾命之不工。每被諫於凡口。罕獲知於貴躬。柿何稱乎梁侯。梨何幸乎張公。亦因人之所遇。孰能辯乎其中哉。

四言

奉和聖製燭龍齋祭

上帝臨下鑒亦有光孰云陰隲惟聖克彰六月  
徂暑四郊愆陽我后其勤告于壇場精意允益  
群靈鼓舞蔚兮朝雲霈然時雨雨我原田亦旣  
有年燭龍煌煌明宗報祀于以助之天人帝子  
聞詩有訓國風茲始

奉和聖製喜雨

艱我稼穡載育載亨如物應之曷聖與靈謂我  
何憑惟德之馨誰云天遠以誠必至太清無雲  
羲和頓轡于斯蒸人瞻彼非覲陰實倏忽霈澤  
咸洎何以致之我后之感無臯無限黍稷黜黜  
無卉無木敷芬黜黜黃龍勿來鳴鳥不思人和  
年豐皇心則怡豈與周宣雲漢徒詩

南郊文武出入舒和之樂

祝史解正人神慶叶福以德昭享以誠接六變  
云備百禮斯浹祀專孔明祚流萬葉

五言

南郊太尉酌獻武舞作凱安之樂

馨香惟后德明命光天保肅祀崇聖靈陳信表  
皇道玉戚初蹈厲金匏旣靜好介福何穰穰精  
誠格穹昊

巫山高

巫山與天近。煙景嘗青熒。此中楚王夢。夢得神  
女靈。神女去已久。雲雨空冥冥。唯有巴猿嘯。哀  
音不可聽。

折楊柳

纖纖折楊柳。持此寄情人。一枝何足貴。憐是故  
園春。遲景那能久。流芳不及新。更愁征戍客。容  
鬢老邊塵。

則得自君之出矣

自君之出矣。不復理殘機。思君如滿月。夜夜減  
清輝。

奉和聖製幸晉陽宮

隋季失天策。萬方罹凶殘。皇祖稱義旗。三靈皆  
獲安。聖期將申錫。王業成艱難。盜移未改命。曆  
在終履端。彼汾惟帝鄉。洪都信鬱盤。一月朔巡  
狩。群后陪清鑿。霸迹在沛庭。舊儀覩漢官。唐風  
思何深。舜典敷更寬。家蒙粉榆復。邑爭牛酒歡。  
緬惟剪商後。豈獨微禹歎。三后既在天。萬年斯  
不刊。尊祖實我皇。天文皆仰觀。

奉和聖製次成臯先聖禽建德之所

天命誠有集。王業初惟艱。剪商自文祖。夷項在  
茲山。地識斬蛇處。河臨飲馬間。威加昔運往。澤

流今聖還。尊祖頌先。烈賡歌安。用攀紹成。卽我后封。岱出天關。

奉和聖製過王濬墓

漢皇思鉅鹿。晉將在弘農。入蜀舉長筭。平吳成大功。與渾雖不協。歸浩實爲雄。孤績淪千載。流名感聖衷。萬乘渡荒隴。一顧凜生風。古節猶不棄。今人爭效忠。

奉和聖製賜諸州刺史以題座右

聖人合天德。洪覆在元元。每勞蒼生念。不以黃屋尊。興化俟群辟。擇賢守列藩。得人此爲盛。咨岳今復存。降墜引君道。殷勤啟政門。容光無不照。有象必爲言。成憲知所奉。致理歸其根。肅肅稟玄猷。煌煌戒朱軒。豈徒任遇重。無爾宴錫繁。載聞勵臣節。持答明主恩。

奉和聖製送十道採訪使及朝集使

三年一上計。萬國趨河洛。課最力已陳。賞延恩。博垂衣深共理。改瑟其咸若。首路迴竹符。分鑣揚木鐸。戒程有攸往。詔餞無淹泊。昭晰動天文。殷勤在人瘼。持久望茲念。克終期所託。行矣當自強。春耕庶秋穫。

奉和聖製謁玄元皇帝廟齋

興運昔有感。建祠北山巔。雲雷初締構。日月今

悠然紫氣尚翫鬱。玄元如在焉。迨茲事追遠。輪奐復增鮮。洞府香林處。齋壇清漢邊。吾君乃尊祖。夙駕此留連。祭動人神會。鍾成律度圓。笙歌下鸞鶴。芝朮萃靈仙。曾是福黎庶。豈唯味虛玄。賡歌徒有作。微薄謝昭宣。

和黃門盧監望秦始皇陵

秦帝始求仙。驪山何遽卜。中年既無效。茲地所宜復。徒役如雷奔。珍怪亦雲蓄。黔首無寄命。赭衣相追逐。人怨神亦怒。身死宗遂覆。土崩失天下。龍闕入函谷。國爲項籍屠。君同華元戮。始掘既由楚。終焚乃因牧。上宰議揚賢。中阿感桓速。

一聞過秦論載懷空杆軸

秋夜望月憶諸侍郎 吏部侍郎李林甫

秋天碧雲夜。明月懸東方。皓皓庭際色。稍稍林下光。桂華澄遠近。璧綵散池塘。鴻鳳飛難度。關山曲易長。揆予秉孤直。虛薄忝文章。握鏡懸先照。持衡愧後行。多才衆君子。載筆久辭場。作賦推潘岳。題詩許謝康。常時陪宴語。今夕恨相望。願欲接高論。清晨朝建章。

和吏部李侍郎見示秋夜望月憶諸侍郎

之付其卒章有前後行之戲因命僕繼作  
清秋發高興。涼月復閑宵。光遂露華滿。情因水

此李林甫作家集並列  
為公詩候



鏡猶同特亦所見異路無相招美景向空盡歡  
言隨事銷忽聽金華作誠如玉律調南宮尚為  
後東觀何其遼名數雖云隔風期幸未遙今來  
重餘論懷此更終朝

和蘇侍郎小園夕霽寄諸弟

宜八排

清風閭闔至軒蓋承明歸雲月愛秋景林堂門  
夜扉何言無濟日尚與宴私違興屬蕪葭變文  
因棠棣飛人倫用忠厚帝德已光輝贈弟今為  
貴方知陸氏微

贈澧陽常明府

君有百鍊刃堪斷七重扉誰開太阿匣持割武

城鷄竟與尚書佩還凡天子行有過操宰當  
使玉如泥

酬周判官巡至始興會改秘書少監見貽  
之作兼呈耿廣州

惟昔遷樂土迨今已重世陰慶荷先德素風慙  
後裔唯益梓桑恭豈稟山川麗于時初自勉揆  
已無兼濟瘠土資勞力良書啟家藏一探石室  
文再擢金門第既起南宮章復掌西掖制過舉  
及小人便蕃在中歲亞司河海秩轉牧江湖滌  
勿謂轉竹輕但覺消塵細一麾尚云忝十駕宜  
求稅心惠已如灰跡罕且為贊忽捧天書委將

華海惘然朝聞循誠節夕飲蒙瘴厲義疾耻無  
勇盜憎攻亦銳葵藿是傾心豺狼何返噬履險  
甘所受勞賢忘相曳攬轡但荒服循垓便私策  
嘉慶始獲申恩華復相繼無庸我先舉同事君  
猶滯當推奉使績且結拜親契更延懷安肯曾  
是慮危際善謀雖若茲至理焉可替所仗有神  
道况承明主惠

登南嶽事畢謁司馬道士

將命祈靈嶽廻策詣真士紀跡尋一徑異香聞  
數里分庭八桂樹蕭容兩童子入室希把袖登  
床願啓齒誘我采智訣迨茲長生理吸精反自  
然鍊藥求不死斯言耿霄漢顧余嬰紛滓相去  
九牛毛慙嘆知何已

登樂遊春望書懷

城隅有樂遊表裏見皇州策馬旣長遠雲山亦  
悠悠萬壑清光滿千門喜氣浮花間直城路草  
際曲江流憑眺茲爲美離居方獨愁已驚玄髮  
換空度綠萸柔奮翼籠中鳥歸心海上鷗旣傷  
日月逝且欲桑榆收豹變馬能及鸞鳴非可求  
願言從所好初服返林丘

登襄陽恨峴山

昔年亟攀踐征馬復來過信若山川舊誰知歲

月何蜀相吟安在羊公碣已磨令圖猶寂寞嘉  
會亦蹉跎死死樊城岸悠悠漢水波逶迤春日  
遠感寄客情多地本原林秀朝來煙景和同心  
不同賞留歎此巖阿

九月九日登龍山

郡庭常窘束涼野未昭曠楚客凜秋時桓公舊  
臺上清風明日好歷落江山望極遠何蕭條中  
坐留惆悵東彌夏首闕西拒荆門壯夷險雖異  
時古今豈殊狀先賢杳不接故老猶可訪投弔  
傷昔人揮斤感前匠自爲本踈散未始忘幽尚  
際會非有欲往來是無妄爲邦復多幸去國殊  
遷放且泛籬下菊遠聆郢中唱灌園亦何爲於  
陵乃逃相

登郡城南樓

閉閣幸無事登樓聊未日雲霞千里開洲渚萬  
形出澹澹澄江漫飛飛度鳥疾邑人半艫艦津  
樹多楓橘感別時已屢憑眺情非一遠懷不我  
同孤興與誰悉平生本單緒邂逅承優秩謬忝  
爲邦寄多慙理人術駑鈇雖自勉倉廩素非實  
陳力儻無效謝病從芝朮

歲初巡屬縣登高安南樓言懷

山城本孤峻憑高結層軒江氣偏宜早林英粲

從家集改  
家集作中留

已繁餘滋含宿霽衆妍在朝暎拂衣釋簿頌伏  
檻遺紛喧深俯東溪澳遠延南山樊歸雲納前  
嶺去鳥投遙村目盡有餘意心惻不可諉竭來  
彭蠡澤載經敷淺原春及但生思時哉無與言  
不才叨過舉唯力酬明恩美化猶寂蔑迅節徒  
飛奔雖無立成效度以去思論行復狗孤迹亦  
云吾道存

登樓望西山

城樓枕南浦日夕顧西山宛宛鸞鶴處高高煙  
霧間仙井今猶在洪崖久不還金編惟我授羽  
駕亦誰攀簷際千峯遠雲中一鳥閑縱觀窮水  
國遊思遍人寰勿復塵埃事歸來且閉關

登荊州城樓

天宇何其曠江城坐自拘層樓百餘尺迢邐在  
西隅暇日時登眺荒郊臨故都纍纍見陳迹寂  
寂想雄圖古往山川在今來郡邑殊北疆雖入  
鄭東距豈防吳幾代傳荆國當時敵陝郢上流  
空有處中土復何虞枕席夷三峽關梁豁五湖  
承平無異境守隘莫論夫自罷金門籍來參竹  
使符端居向林藪微尚在桑榆直似王陵慙非  
如甯武愚今茲對南浦乘鴈與雙鳧

登荊州城望江

滔滔大江水。天地相終始。經閱幾世人。復歎誰家子。東望何悠悠。西來晝夜流。歲月既如此。爲心那不愁。

秋晚登樓望南江入始興郡路

潦收沙衍出。霜降天宇晶。伏檻一長眺。津途多望情。思來江山外。望盡煙雲生。滔滔不自辯。役役且何成。我來颯衰鬢。孰云飄華纓。櫪馬苦蹇踣。籠禽念遐征。歲陰向晚晚。日夕空屏營。物生貴得性。身累猶近名。內顧覺今是。追歎何時平。

登古陽雲臺

庭樹日衰颯。風霜未云已。駕言遣憂思。乘興求相似。楚國茲故都。蘭臺有餘址。傳聞襄王世。仍立巫山祀。方此全盛時。豈無嬋娟子。色荒神女至。魂蕩宮觀侈。蔓草今如積。朝雲爲誰起。

賀給事嘗詣蔡起居郊館有詩因命同作

記言聞直史。築室面層阿。豈不承明入。終云幽意多。沉寘高士致。休澣故人過。前嶺游氛滅。中林芳氣和。茲辰阻佳趣。望美獨如何。

與生公尋幽居處

同方久厭俗。相與事遐討。及此雲山去。窅然巖徑好。疑入武陵源。如逢漢陰老。清諧欣有得。幽閑歛盈抱。我本玉壻侍。偶訪金仙道。茲焉求卜

築所過皆神造。歲晚林始敷。日晏崖方杲。不種  
緣嶺竹。豈植臨潭草。即途可淹留。隨日成黼藻。  
期爲靜者說。曾是終焉保。今爲簡書畏。祇令歸  
思浩。

與生公遊石窟山

探秘孰云遠。忘懷復爾同。日尋高深意。宛是神  
仙中。躋險構靈室。詭制非人功。潛洞黝無底。殊  
庭忽似夢。豈如武安鑿。自若茅山通。造物良有  
寄。嬉遊廼愜衷。猶希咽玉液。從此昇雲空。咄咄  
共携手。冷然且馭風。

郡舍南有園畦雜樹聊以求日

爲郡久無補。越鄉空復深。苟能秉素節。安用叨  
華簪。却步園畦裏。追吾野逸心。形骸拘俗吏。光  
景賴閑林。內訟誠知止。外言猶匪忱。成蹊謝李  
逕。衛足感葵陰。榮達豈不偉。孤生非所任。江城  
何寂歷。秋樹亦蕭森。下有北流水。上有南飛禽。  
我願從歸翼。無然坐自沉。

臨泛東湖時任洪州

郡庭日休暇。湖曲邀勝踐。樂職在中和。靈心挹  
上善。乘流坐清曠。舉目眺悠緬。林與西山重。雲  
因北風卷。晶明畫不逮。陰影鏡無辨。晚秀復芬  
敷。秋光更遙衍。萬族紛可佳。一遊豈能展。羈紲

忝邦牧。顧已非時選。長公世不容。長孺心亦褊。  
求念出籠繫。常思退疲蹇。歲徂風露嚴。日恐蘭  
若剪。佳辰不可得。良會何其鮮。罷興還江城。閉  
關聊自遣。

始興南山下有林泉常卜居焉荊州臥病  
有懷此地

出處各有在。何者為陸沉。幸無迫賤事。聊可祛  
迷襟。世路少夷坦。孟門未嶮嶮。多慙入火術。常  
惕履冰心。一跌不自保。萬全焉可尋。行行念歸  
路。耿耿惜光陰。浮生如過隙。先達已吾箴。敢忘  
丘山施。亦云年病侵。力衰在所養。時謝良不任。  
但憶舊棲息。願言遂窺臨。雲間日孤秀。山下面  
清深。蘿葛自為幄。風泉何必琴。歸此老吾老。過  
當日千金。

高齋閑望言懷

高齋復晴景。延眺屬清秋。風物動歸思。煙林生  
遠愁。紛吾自窮海。薄宦此中州。取路無高足。隨  
波適下流。歲華空冉冉。心曲且悠悠。坐惜芳時  
歇。胡然久滯留。

晨出郡舍林下

晨興步北林。蕭散一開襟。復見林上月。娟娟猶  
未沉。片雲自孤遠。叢篠亦清深。無事由來貴。方

知物外心

和

司馬崔頌

優閒表政清。林薄賞秋成。江上懸曉月。往來虧  
復盈。天雲抗直意。郡閣晦高名。坐嘯應無欲。寧  
辜濟物情。

晨坐齋中偶而成詠

寒露縈秋空。遙山紛在矚。孤頂乍脩聳。微雲復  
相續。人茲賞地遍。鳥亦愛林旭。結念憑幽遠。撫  
躬曷羈束。仰霄謝逸翰。臨路嗟疲足。徂歲方睽  
携。歸心亟躑躅。休閒儻有素。豈負南山曲。

林亭寓言

林居逢歲晏。遇物使情多。蘅蒨不時與。芬榮奈  
汝何。更憐籬下菊。無如松上蘿。因依自有命。非  
是隔陽和。

南山下舊居閑放

祇役已云久。乘閑返服初。塊然屏塵事。幽獨坐  
林間。清曠前山遠。紛喧此地踈。喬木交青靄。脩  
篁媚綠渠。耳和繡翼鳥。目暢錦鱗魚。寂寞心還  
閑。飄飄體自虛。興來命旨酒。臨罷閱仙書。但樂  
多幽意。寧知有毀譽。尚想爭名者。誰云要路居  
都忘下流歎。傾奪竟何如。

感遇



蘭葉春葳蕤。桂華秋皎潔。欣欣似生意。自爾爲  
佳節。誰知林棲者。聞風坐相悅。草木本無心。何  
求美人折。

幽林歸獨卧。滯慮洗孤清。持此謝高鳥。因之傳  
遠情。日夕懷空意。人誰感至精。飛沉理自隔。何  
用慰吾誠。

魚遊樂深池。鳥棲欲高枝。嗟爾蜉蝣羽。薨薨亦  
何爲。有生豈不化。所感奚若斯。神理日微滅。吾  
心安得知。浩歎楊朱子。徒然泣路岐。

孤鴻海上來。池潢不敢顧。側見雙翠鳥。巢在三  
珠樹。矯矯珍木巔。得無金丸懼。美服患人指。高  
明逼神惡。今我遊冥冥。弋者何所慕。

吳越數千里。夢寐今夕見。形骸非我親。衾枕卽  
鄉縣。化蝶猶不識。川魚安可羨。海上有仙山。歸  
期覺神變。

西日下山隱。北風乘夕流。燕雀感昏旦。簷楹呼  
匹儔。鴻鵠雖自遠。哀音非所求。貴人棄疵賤。下  
士嘗殷憂。衆情累外物。恕已忘內修。感歎長如  
此。使我心悠悠。

江南有丹橘。經冬猶綠林。豈伊地氣暖。自有歲  
寒心。可以薦嘉客。柰何阻重深。運命惟所遇。循  
環不可尋。徒言樹桃李。此木豈無陰。

永日徒離憂。臨風懷蹇脩。美人何處所。孤客空  
悠悠。青鳥跂不至。朱鷺誰云浮。夜分起躑躅。時  
逝曷淹留。

抱影吟中夜。誰聞此歎息。美人適異方。庭樹含  
幽色。白雲愁不見。滄海飛無翼。鳳凰一朝來。竹  
花斯可食。

漢上有游女。求思安可得。袖中一札書。欲寄雙  
飛翼。冥冥愁不見。耿耿徒緘憶。紫蘭秀空蹊。皓  
露奪幽色。馨香歲欲晚。感歎情何極。白雲在南  
山。日暮長太息。

我有異鄉憶。宛在雲濛濛。憑此目不覩。要之心  
所鍾。但欲附高鳥。安敢攀飛龍。至精無感遇。悲  
惋填心骨。歸來扣寂寞。人頽天豈從。

閉門蹟群化。憑林結所思。嘯歎此寒木。疇昔迺  
芳蕤。朝陽鳳安在。日暮蟬獨悲。浩思極中夜。深  
嗟欲待誰。所懷誠已矣。既往不可追。鼎食非吾  
事。雲仙嘗我期。胡越方齊吞。車馬何遲遲。天壤  
一何異。幽嘿臥簾帷。

當塗界寄裴宣州

故人宣城守。亦在江南偏。如何分虎竹。相與問  
山川。章綬胡爲者。形骸非自然。含情津渡闊。倚  
望脰空延。遠近聞佳政。平生仰大賢。推心徒有

屬會面良無緣。日夕遵前渚。江村投暮煙。念行  
祇意默懷遠。豈言宣委曲。風波事難爲。尺素傳

敬酬當塗界留贈 宣州刺史裴耀卿

茂先寔王佐。仲舉信時英。氣覩衝天發。心將下  
榻迎。珪符肅有命。江國遠徂征。九派期方越。千  
鈞或可輕。高帆出風迥。孤嶼入雲平。遙邁嗟于  
役。離憂空自情。飭簪陪早歲。接壤厠專城。曠別  
心彌軫。宏規義轉傾。徒然恨飢渴。况乃諷瑤瓊。

別鄉人南還

橘柚南中暖。桑榆北地陰。何言榮落異。因見別  
離心。吾亦江鄉子。思歸夢寐深。聞君去水宿。結

思渺雲林。牽綴從浮事。遲迴謝所欽。東南行舫  
遠。秋浦念猿吟。

初發江陵有懷

極望涇陽浦。江天渺不分。扁舟從此去。鷗鳥自  
爲群。他日懷真賞。中年負俗紛。適來果微尚。倏  
爾會斯文。復想金閨籍。何如夢渚雲。我行多勝  
寄。浩思獨氛氲。

南陽道中作

登郢屬歲陰及。宛情所適。復聞東漢主。遺此南  
都迹。佳氣藹厥初。霸圖紛在昔。茲邦稱貴近。與  
世嘗薰赫。遭遇感風雲。變衰空草澤。不識鄧公

自集作有

樹猶傳陰后石。驅馬歷闔閭。荆榛翳阡陌。事去物無象。感來心不憚。懷古對窮秋。與言傷遠客。眇默遵岐路。辛勤弊行役。雲鴈號相呼。林麇走自索。顧憶徇書劍。未嘗安枕席。豈暇墨突黔。空持遼豕白。迷復期非遠。歸歟賞農隙。

使還湘水

歸舟宛何處。正值楚江平。夕逗煙村宿。朝緣澗樹行。于役已彌歲。言旋今愜情。鄉郊尚千里。流目夏雲生。

湘中作

湘流繞南嶽。絕目轉青浦。懷祿未能已。瞻塗屢所經。煙嶼宜春望。林猿莫夜聽。求路日多緒。孤舟天復冥。浮沒從此去。嗟嗟勞我形。

彭蠡湖上

汎波經大湖。湖流多行決。決晨趨北渚。逗浦已西日。所適雖淹曠。中流且閑逸。瑰詭良復多。感見乃非一。廬山直陽潯。孤石當陰術。一水雲際飛。數峯湖心出。象類何交紕。形言豈深悉。且知皆自然。高下無相恤。

經江寧覽舊跡至玄武

南國更數世。北湖方十洲。天清華林苑。日晏景陽樓。果下迴仙騎。津傍駐綵旒。鳧鷖喧鳳管。荷

菱闥龍舟七子陪詩賦千人和棹謳應言在鎬  
樂不讓橫汾秋風俗因紆慢江山成易由駒王  
信不武孫叔是無謀佳氣日將歇霸功誰與脩  
桑田東海變麋鹿姑蘇遊否運爭三國康時劣  
九州山雖幕府在館豈豫章留水旋還相閣菱  
歌亦故道雄圖不足問唯想事風流

入廬山仰望瀑布水

絕頂有懸泉喧喧出煙杪不知幾時歲但見無  
昏曉閃閃青崖落鮮鮮白日皎灑流濕行雲濺  
沫驚飛鳥雷吼何噴薄箭馳入窈窕昔聞山下  
蒙今乃林巒表物情有詭激坤元曷紛矯默然  
置此去變化誰能了

出爲豫章郡途次廬山東巖下

虹

茲山鎮何所乃在澄湖陰下有蛟螭伏上與虵  
蛭尋靈仙未始曠窟宅何其深雙闕出雲峙三  
宮入煙沉攀崖猶昔境種杏非舊林想像終古  
跡惆悵獨往心紛吾嬰世網數載忝朝簪孤根  
自靡託量力况不任多謝周身防常恐橫議侵  
豈匪鷓鴣鴻列揚如泉壑臨迨茲刺江郡來此滌  
塵襟有趣逢樵客忘懷狎野禽棲閑義未果用  
拙歡在今願言答休命歸事丘中琴

巡屬縣道中作

春令夙所奉。駕言遵此行。途中却郡掾。林下  
村氓至。邑無紛劇來。人但歡迎豈。伊念邦政  
實。在時清。短才濫符竹。弱歲起柴荆。再入江  
村道。求懷山藪情。矧逢陽節獻。默聽時禽鳴。  
迹與素心別。感從幽思盈。流芳日不待。夙志  
蹇無成。知命且何欲。所圖唯退耕。華簪極身  
忝。衰髮質木榮。苟得不可遂。吾其謝世嬰。

夏日奉使南海在道中作

緬然萬里路。赫曦三伏時。飛走逃深林。流爍  
恐生疵。行李豈無苦。而我方自怡。肅事誠在  
公。拜慶遂及私。展力慚淺效。銜恩感深慈。且  
欲湯火

路。况無鬼神欺。朝發高山阿。夕濟長江湄。秋  
瘴寧我毒。夏水胡不夷。信知道存者。但問心  
所之。呂梁有出入。乃覺非虛詞。

奉使自藍田玉山南行

征驂入雲壑。情始步金門。通籍微軀幸。歸途  
明主恩。匪唯徇行役。兼得慰晨昏。是節暑云  
熾。紛吾心所尊。海縣且悠緬。山郵日駿奔。  
徒知惡囂事。未暇息陰論。峽武經陳迹。衡湘  
指故園。水聞南澗險。煙望北林繁。遠靄千巖  
合。幽磬百籟喧。陰泉夏猶凍。陽景晝方燄。懿  
此高深極。徒令夢想存。盛明期有報。長往復  
奚言。

巡按自灘水南行

理棹雖云遠，飲水寧有惜。况乃佳山川，怡然傲  
潭石。竒峯岌前轉，茂樹隈中積。猿鳥戲自呼，風  
泉氣相激。目因詭容送，心與清暉滌。紛吾謬執  
簡，行郡將移檄。即事聊獨歡，素懷豈兼適。悠悠  
詠靡盬，庶以窮夕日。

使還都湘東作

倉庚昨歸候，陽鳥今去時。感物遽如此，勞生安  
可思。養真無上格，圖進豈前期。甘節往來苦，壯  
容離別衰。盛明非不遇，弱操自云私。孤楫清川  
渚，征衣寒露滋。風朝津樹落，日夕嶺猿悲。牽役

而無悔，坐愁祗自怡。當須報恩已，終爾謝塵縈。

詠史

大德始無頗，中智是所是。居然已不一，况乃務  
相詭。小道致泥難，巧言因萋毀。穰侯或見遲，蘇  
生得陰揣。輕既長沙傳，重亦邊郡徙。勢傾不幸  
然，跡在胡寧爾。滄溟所爲大，江漢日來委。澄水  
雖復清，魚鱉豈游此。賢哉有小白，讐言中有管氏。  
若人不世生，悠悠多如彼。

龍門旬宴得月字韻

恩華逐芳歲，形勝兼韶月。中席傍魚潭，前山倚  
龍闕。花迎妙妓至，鳥避仙舟發。宴賞良在茲，再

來情不歇

驪山下逍遙公舊居遊集

君子體清尚歸處有無資雖然經濟日無忘幽  
棲時卜居舊何所休澣嘗來茲岑寂罕人至幽  
深獲我思松澗聆遺風蘭林覽餘滋往事誠已  
矣道存猶可追遺子後黃金作歌先紫芝明德  
有自來奕世皆秉彝豈與礪溪老崛起周太師  
我心希碩人逮此問元龜怡悵旣懷遠沉吟亦  
省私已云寵祿過況在華髮衰軒蓋有迷復丘  
壑無磷緇感物重所懷何但止足斯

祠紫蓋山經玉泉山寺

指塗躋楚望策門望荆岑稍稍松篁入泠泠澗  
谷深觀竒逐幽映歷險志嶇嶇上界投佛影中  
天揚梵音焚香馘在昔禮足誓來今靈異若有  
對聖先其可尋高星聞逝者遠俗是初心薜剝  
經行處猿啼燕坐林歸真已寂滅留迹豈埋沉  
法地自茲廣何云千萬金

郢城西北有大古塚數十觀其封域多是  
楚時諸王而年代久遠不復可識唯直西  
有樊妃塚因後人爲植松栢故行路盡知  
之

蘋藻生南澗蕙蘭秀中林嘉名有所在芳氣無



幽深楚子初逞志。樊妃嘗獻箴。能令更擇士。非直罷從禽。舊國皆湮滅。先王亦莫尋。唯傳賢媛。隴猶結後人心。牢落山川意。蕭疎松柏陰。破墻時直上。荒徑或斜侵。惠問終不絕。風流獨至今。千春思窈窕。黃鳥復哀音。

戲題春意

一作江南守。江林三四春。相鳴不及鳥。相樂喜關人。日守朱絲直。年催華髮新。淮陽祇有臥。持此度芳辰。

同蔡母學士月夜聞鴈

樓宿豈無意。飛飛更遠尋。長途未及伴。中夜有

遺音。月思關山路。風號流水琴。空聲兩相應。幽感一何深。避繳歸南浦。離群叫北林。聯翩俱不定。憐爾越鄉心。

荊州作二首

先達志其大。求意不約文。士伸在知己。已况仕於君。微誠夙所尚。細故不足云。時來忽易失。事往良難分。顧念凡近姿。焉欲殊常勲。亦以行則是。豈必素有聞。千慮且猶跌。萬緒何其紛。進士苟非黨。免相安得群。眾口金可鑠。孤心絲共焚。意忠仗朋信。語勇同敗軍。古劍徒有氣。幽蘭祇自薰。高秩向所忝。於義如浮雲。

跌集作失

其二

千載一遭遇。往賢所至難。問余奚為者。無階忽  
上搏。明聖不世出。翼亮非苟安。崇高自有配。孤  
陋何足干。遇恩一時來。竊位三歲寒。誰謂誠不  
盡。知窮力亦殫。雖至負乘冠。初無挾術鑽。浩蕩  
出江湖。翻覆如波瀾。心傷不林樹。自念獨飛翰。  
徇義在匹夫。報恩猶一殮。况乃山海澤。效無毫  
髮端。內訟已慙沮。積毀今摧殘。胡為復惕息。傷  
鳥畏虛彈。

在郡秋懷二首

秋風入前林。蕭颯鳴高枝。寂寞遊子思。寤歎何  
人知。官成名不立。志存歲已馳。五十而無聞。古  
人深所疵。平生去外飾。直道如不羈。未得操割  
必。忽復寒暑移。物情自古然。身退毀亦隨。悠悠  
滄海渚。望望白雲涯。露下霜且降。澤中草離披。  
蘭艾若不分。安用馨香為。

其二

庭蕪生白露。歲候感遐心。策蹇慙遠途。巢枝思  
故林。小人恐致寇。終心如臨深。魚鳥好自逸。池  
籠安所欽。掛冠東都門。採蕨南山岑。議道誠愧  
昔。覽分還慙今。無然憂成老。空爾白頭吟。  
忝官二十年。盡在內職及。為郡嘗積戀。因

賦詩焉

江流去朝宗。晝夜茲不捨。仲尼在川上。子牟存  
闕下。聖達有由然。孰是無心者。一郡苟能化。百  
城豈云寡。愛禮誰爲羊。戀主吾猶馬。感初時不  
載。思奮翼無假。閑宇嘗自閑。沉心何用寫。攬衣  
步前庭。登俾臨曠野。白水生迢遞。清氣寄蕭灑。  
言采芳澤多。終朝不盈把。

二第宰邑南海見群鴈南飛因成詠以寄  
鴻鴈自北來。嗷嗷度煙景。嘗懷稻梁惠。豈憚江  
山末。小大每相從。羽毛當自整。雙鳧似晨泛。獨  
鶴參霄警。爲我更南飛。因書至梅嶺。

將發還鄉示諸弟

歲陽亦頽止。林意日蕭滅。云胡當此時。緬邁復  
爲客。至愛孰能捨。名義來相迫。負德良不貲。輸  
誠靡所惜。一木逢厦構。纖塵願山益。無力主君  
恩。寧利客卿壁。去去榮歸養。憮然歎行役。

叙懷二首

弱歲讀群史。抗迹追古人。被褐有懷玉。佩印從  
負薪。志合豈兄弟。道行無賤貧。孤根亦何賴。感  
激此爲鄰。

其二

晚節從卑秩。岐路良非一。旣聞持兩端。復見挾

三術木瓜誠有報玉楮論無實已矣直躬者平生壯圖失去去勿重陳歸來始芝朮

雜詩五首

孤桐亦胡爲百尺傍無枝踈陰不自覆脩幹欲何施高岡地復迥弱植風屢吹凡鳥已相噪鳳凰安得知

其二

蘿菀必有託風霜不能落酷在蘭將蕙甘從葵與藿運命雖爲宰寒暑自迴薄悠悠天地間委順無不樂

其三

良辰不可遇心賞更蹉跎終日塊然坐有時勞者歌庭前攬芳蕙江上託微波路遠無能達憂情空復多

其四

湘水弔靈妃班竹爲情緒漢水訪遊女解佩欲誰與同心不可見異路空延佇浦上青楓林津傍白沙渚行吟至落日坐望祗愁予神物亦豈孤佳期竟何許

其五

木直幾自寇石堅亦他攻何言爲用薄而與火膏同物累有固然誰能取徑通纖纖良田草靡

靡唯從風日夜沐甘澤春秋等芳叢生性苟不  
天香臭誰爲中道家貴至柔儒生何固窮終始  
行一意無乃過愚公

題畫山水障

心累猶不盡果爲物外牽偶因耳目好復假丹  
青妍嘗抱野間意而迫區中緣塵事固已矣素  
意終不遷良工適我願妙墨揮巖泉變化合群  
有高深侔自然置陳北堂上做像南山前靜無  
戶庭出行已茲地偏萱草憂可樹合歡忿益蠲  
所因本微物况乃憑幽筌言象會自泯意色聊  
自宣對翫有佳趣使我心渺綿

